



## Član 12.

Ako je predet ugovora o prodaji strane robe sa konsignacionog skladišta oprema ili trajna dobra za ličnu potrošnju (u daljem tekstu: proizvodi) ugovor obavezno sadrži odredbe o osiguravanju servisa, rezervnih dijelova, potrošnog materijala i pribora neophodnih za tehničko održavanje tih proizvoda kako u garantnom periodu tako i van njega, te odredbu o roku u kome će ugovorne strane posebnim ugovorom osigurati servis za te proizvode na teritoriji Federacije.

## Član 13.

Strano lice je dužno da u ugovoru naznači da li je proizvođač roba čiji je plasman predmet ugovora.

Ako strano lice nije proizvođač ovih roba dužno je u ugovoru naznačiti da nema smetnji za njihov plasman na teritoriji Federacije.

## Član 14.

Ugovor o prodaji strane robe sa konsignacionog skladišta zaključuje se na rok koji ne može biti kraći od jedne godine od dana njegovog stupanja na snagu.

### III - UGOVORI O VRŠENJU SERVISNIH USLUGA ZA ODRŽAVANJE UVEZENE OPREME I TRAJNIH DOBARA ZA LIČNU POTROŠNJU

## Član 15.

Ugovor o vršenju servisnih usluga za održavanje uvezene opreme i trajnih dobara za ličnu potrošnju (u daljem tekstu: ugovor o poslovima vršenja servisnih usluga) zaključuje se između ugovornih strana koje su prethodno sklopile ugovor o zastupanju ili konsignaciji stranih lica u Federaciji i odnosi se na robu koja je plasirana na teritoriji Federacije preko zastupnika, odnosno konsignatora.

Ugovor se zaključuje u pismenom obliku i obavezno sadrži:

1. naziv i sjedište stranog lica;
2. naziv i sjedište preduzeća koje zaključuje ugovor sa stranim licem;
3. predmet ugovora sa naznačenom robom i uslugama;
4. prava i obaveze ugovornih strana a naročito:
  - obavezu snabdijevanja servisa rezervnih dijelova u garantnom roku i poslije isteka garantnog roka u skladu sa propisima za stavljanje u promet, odnosno za upotrebu te robe na teritoriji Federacije;
  - obavezu stranog lica za opremanje servisa (specijalne mašine, alati i sl.);
  - obavezu vršenja servisnih usluga u garantnom roku i po prestanku važenja ugovora o vršenju servisnih usluga;
5. odredbu o tome da li će servis vršiti sam zastupnik odnosno konsignator ili će se servis osigurati zaključivanjem ugovora sa kvalifikovanim servisnom organizacijom.

Preduzeće može ugovorom iz stava 2. ovog člana predvidjeti i naknadu za troškove koje je imalo za organiziranje servisa, ako strano lice raskine ugovor bez krivice tog preduzeća.

## Član 16.

Preduzeće je dužno da se stara o tehničkom održavanju robe koja ima dužni vijek trajanja i da osigura servis i pružanje tehničkih i drugih usluga kupcu, u smislu propisa za stavljanje u promet, odnosno za upotrebu te robe na teritoriji Federacije.

## Član 17.

Preduzeće koje zastupa strano lice, po pravilu, pruža servisne usluge preko sopstvenih servisa.

Ako preduzeće zaključi ugovor o vršenju servisnih usluga sa stranim licem za robu koju je do tada servisiralo, drugo preduzeće, dužno je da istovremeno preuzme obaveze organiziranja

servisa u garantnom roku za robu čiju je garanciju prihvatilo to preduzeće.

Preduzeće može pružanje određenih usluga povjeriti drugom preduzeću, odnosno fizičkom licu koja samostalno obavljaju evidentiranu ili registriranu privrednu djelatnost.

## Član 18.

Ugovor o poslovima vršenja servisnih usluga zaključuje se na rok koji ne može biti kraći od onoga koji je propisan za stavljanje ove robe u promet na teritoriji Federacije.

## Član 19.

Ako preduzeće ili strano lice raskine ugovor o vršenju servisnih usluga, a strano lice ne zaključi novi ugovor o tim uslugama, preduzeće koje je do tada vršilo servisne usluge dužno je da vrši servisne usluge za sve ugovorom preuzete obaveze do isteka garantnog roka.

### IV - EVIDENTIRANJE UGOVORA

## Član 20.

Preduzeće je dužno da ugovore o zastupanju stranog lica, o prodaji strane robe sa konsignacionog skladišta i vršenju servisnih usluga i njihove izmjene i dopune zaključene sa stranim licem dostavi ministarstvu radi evidentiranja, u roku od 30 dana od dana njegovog potpisivanja.

## Član 21.

Ministarstvo evidentira ugovore iz čl. 3, 9. i 15. ove uredbe i njihove izmjene i dopune u roku od 30 dana od dana prijema ugovora, odnosno izmjena i dopuna tih ugovora.

Izuzetno od odredbe stava 1. ovog člana, odbit će se evidentiranje ugovora iz čl. 3, 9. i 15. ove uredbe, ako nisu ispunjeni uvjeti iz Zakona o vanjskotrgovinskom poslovanju i ove uredbe.

## Član 22.

Podaci iz ugovora iz čl. 3, 9. i 15. ove uredbe predstavljaju poslovnu tajnu.

## Član 23.

Preduzeće je dužno da ministarstvu pismeno prijavi prestanak važenja ugovora o zastupanju najkasnije u roku od 30 dana od dana prestanka važenja ugovora, radi evidentiranja.

Ako preduzeće, u roku od 30 dana nije prijavilo prestanak važenja ugovora iz stava 1. ovog člana, ministarstvo može evidentirati drugo preduzeće kao nosioca ugovora o zastupanju, ako preduzeće - novi zastupnik podnese dokaz stranog lica da je ugovor raskinut.

## Član 24.

Ministarstvo će u roku osam dan od dana evidentiranja Ugovora pismenim putem obavijestiti nadležni kantonalni organ i Republičko ministarstvo trgovine i međunarodnih komunikacija o izvršenom evidentiranju ugovora.

### V - KAZNE ODREDBE

## Član 25.

Novčanom kaznom od 1.000 - 6.000 DEM, kaznit će se za prekršaj preduzeće, odnosno drugo pravno lice ako ne osigura tehničko održavanje opreme i trajnih dobara za ličnu potrošnju u garantnom i vangarantnom roku i ako ne osigura rezervne dijelove, potrošni materijal i prostor za održavanje tih proizvoda, ali ako ne osigura servis i pružanje tehničkih i drugih usluga kupcu u smislu propisa za stavljanje u promet, odnosno za upotrebu na teritoriji Federacije (član 16.).

Za prekršaj iz stava 1. ovog člana kaznit će se novčanom kaznom od 500 - 2.000 DEM i odgovorno lice u preduzeću, odnosno drugom pravnom licu.

Novčana kazna iz st. 1. i 2. ovog člana za prekršaj utvrđena u DEM naplaćuje se u valuti Federacije po srednjem tečaju koji utvrđuje i objavljuje Centralna banka BiH, na dan plaćanja, a do osnivanja Centralne banke, po tečaju koji utvrđuje Narodna banka BiH.

## VI - PRIJELAZNE I ZAVRŠNE ODREDBE

## Član 26.

Ministarstvo će donijeti u roku od 30 dana od dana stupanja na snagu ove uredbe Pravilnik o evidentiranju ugovora koji su predmet ove uredbe.

## Član 27.

Ova uredba stupa na snagu narednog dana od dana objavljivanja u "Službenim novinama Federacije BiH".

V broj 160/96  
27. juna 1996. godine  
Sarajevo

Premijer  
prof. dr **Izudin Kapetanović**, s. r.

184

Na osnovu člana 21. stav 1. Zakona o federalnim ministarstvima i drugim tijelima federalne uprave ("Službene novine Federacije BiH", broj 8/95), Vlada Federacije Bosne i Hercegovine, donosi

## RJEŠENJE

## O POSTAVLJENJU POMOĆNIKA MINISTRA U FEDERALNOM MINISTARSTVU PROSTORNOG UREĐENJA I OKOLICE

## I

Za pomoćnika ministra u Federalnom ministarstvu prostornog uređenja i okolice postavlja se

FILOMENA PRIMORAC - NIKOLIĆ

## II

Ovo rješenje objaviti u "Službenim novinama Federacije BiH".

V. broj 164/96  
21. maja 1996. godine  
Sarajevo

Premijer  
prof. dr **Izudin Kapetanović**, s. r.

185

Na osnovu člana 21. stav 1. Zakona o federalnim ministarstvima i drugim tijelima federalne uprave ("Službene novine Federacije BiH", broj 8/95), Vlada Federacije Bosne i Hercegovine, donosi

## RJEŠENJE

## O POSTAVLJENJU GLAVNOG FEDERALNOG INSPEKTORA ELEKTROENERGETIKE U FEDERALNOM MINISTARSTVU ENERGETIKE, RUDARSTVA I INDUSTRIJE

## I

Za glavnog federalnog inspektora elektroenergetike u Federalnom ministarstvu energetike, rudarstva i industrije postavlja se mr ZIJAD BAJRAMOVIĆ

## II

Ovo rješenje objaviti u "Službenim novinama Federacije BiH".

V. broj 166/96  
21. maja 1996. godine  
Sarajevo

Premijer  
prof. dr **Izudin Kapetanović**, s. r.

186

Na osnovu člana 21. stav 1. Zakona o federalnim ministarstvima i drugim tijelima federalne uprave ("Službene novine Federacije BiH", broj 8/95), Vlada Federacije Bosne i Hercegovine, donosi

## RJEŠENJE

## O POSTAVLJENJU POMOĆNIKA MINISTRA U FEDERALNOM MINISTARSTVU TRGOVINE

## I

Za pomoćnika ministra u Federalnom ministarstvu trgovine postavlja se

KRUNOSLAV VASILJ

## II

Ovo rješenje objaviti u "Službenim novinama Federacije BiH".

V. broj 167/96  
21. maja 1996. godine  
Sarajevo

Premijer  
prof. dr **Izudin Kapetanović**, s. r.

187

Na osnovu člana 16. stav 1. Zakona o Vladi Federacije Bosne i Hercegovine ("Službene novine Federacije BiH", br. 1/94 i 8/95), Vlada Federacije Bosne i Hercegovine, donosi

## POSLOVNIK

## O RADU VLADE FEDERACIJE BOSNE I HERCEGOVINE

## I - OSNOVNE ODREDBE

## Član 1.

Ovim poslovníkom, u skladu sa odredbama Zakona o Vladi Federacije Bosne i Hercegovine (u daljem tekstu: Vlada), uređuje se unutrašnja organizacija i način rada Vlade i radnih tijela Vlade, odnos Vlade prema Predsjedniku i Potpredsjedniku Federacije Bosne i Hercegovine (u daljem tekstu: Predsjednik i Potpredsjednik), Parlamentu Federacije Bosne i Hercegovine (u daljem tekstu: Parlament Federacije), odnos prema federalnim ministarstvima i drugim organima federalne uprave, odnos prema vladama kantona, odnos prema Vladi Republike Bosne i Hercegovine, način ostvarivanja saradnje s drugim entitetom, način ostvarivanja saradnje s vladama drugih država, javnost rada Vlade, kao i druga pitanja od značaja za rad Vlade.

## Člana 2.

Vlada radi i odlučuje na sjednici.

## Član 3.

Radi efikasnijeg ostvarivanja svojih funkcija Vlada utvrđuje godišnje programe i operativne planove rada.

## Člana 4.

Vlada osigurava javnost svoga rada.

Vlada će odlučiti kada će se rad sjednica Vlade odvijati bez prisustva sredstava informiranja.

## Članak 5.

Ako neko pitanje unutrašnje organizacije i rada Vlade nije uređeno ovim poslovníkom, to pitanje uredit će se zaključkom Vlade.

## Član 6.

Premijeru, zamjeniku Premijera i članovima Vlade izdaje se iskaznica.

Iskaznica važi za vrijeme trajanja mandata osoba iz stava 1. ovog člana.